

## Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 21.06.2018թ. թիվ 1808176891 և 04.07.2018թ. թիվ 1808251199 որոշումներն անփոփոխ, իսկ վարչական բողոքն առանց բավարարման թողնելու մասին:

<< 19 >> 07 2018թ. 17-13-81807-18/17-13-8/9273

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գարեգին Մենեջյանի դիմումի քննարկման արդյունքում ստեղծված նյութերը՝

## Պ Ա Ր Զ Ե Ց Ի

Երևան քաղաքի 2-րդ Աղյուսագործների փողոցի 35/1 տան բնակիչ Գարեգին Մենեջյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 21.06.2018թ. թիվ 1808176891 և 04.07.2018թ. թիվ 1808251199 որոշումները՝ նշելով, որ համաձայն չէ որոշումներով արձանագրված իրավախախտումների հետ՝ նշելով որ, որոշումները կայացվել են մեկ վայրում:

Դիմումի քննարկման արդյունքում պարզվել է, որ վարչական ակտերը օրինական են, իրավաչափ և բեկանելու հիմքեր չկան, քանի որ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի եզրին՝ զուգահեռ մեկ շարքով՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

Ճանապարհային ոստիկանության վարչական տույժ նշանակելու մասին 21.06.2018թ. թիվ 1808176891 որոշման մաս կազմող իրավախախտումն ամրագրած տեսանյութը որը կազմում է 80 վարյրկան փաստում՝ է, որ դիմումատուին պատկանող տրանսպորտային միջոցը տեղակայված է **երթևեկելի մասի երկրորդ շարքում**:

Ինչ վերաբերվում է 04.07.2018թ. թիվ 1808251199 որոշմանը, ապա այն ևս օրինական է, իրավաչափ և վերանայելու հիմքեր չկան: Դիմումի քննարկման արդյունքում պարզվել է, որ դիմումատուի փաստարկն անհիմն է, քանի որ իրավախախտումն ամրագրած տեսանյութի լրացուցիչ ուսումնասիրության արդյունքում պարզվել է, որ վերջինիս պատկանող տրանսպորտային միջոցի տեղակայման վայրում առկա է՝ 1.4 դեղին հոծ գիծ, իսկ <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման համաձայն՝ այն ցույց է տալիս այն տեղերը, որտեղ կանգառը և կայանումն արգելված են:

Այսպիսով ակնհայտ է դիմումատուի կողմից ճանապարհային երթևեկության կանոնի խախտում թույլ տալու փաստը, ինչի համար Վարչական իրավախախտումների վերաբերյալ ՀՀ օրենսգրքով սահմանված է վարչական պատասխանատվություն:

<<Վարչական իրավախախտումների վերաբերյալ>> ՀՀ օրենսգրքի 35-րդ հոդվածի 1-ին մասի՝ մեկ անձի կողմից երկու կամ ավելի վարչական իրավախախտումներ կատարելու դեպքում վարչական տույժը նշանակվում է յուրաքանչյուր իրավախախտման համար **առանձին-առանձին**:

Նշված կանոնների կատարումը, անկախ տարածքը համապատասխան ճանապարհային նշանով կահավորված լինելու և այն տեսանկարահանող սարքերի կողմից հսկվելու հանգամանքից, բոլոր տրանսպորտային միջոցների վարորդների պարտականությունն է, իսկ դրա մասին չիմանալը չի կարող անձին ազատել վարչական պատասխանատվությունից:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 21.06.2018թ. թիվ 1808176891 և 04.07.2018թ. թիվ 1808251199 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Գարեգին Մենեջյանին:

Կատարող՝ Ա. Ղափլանյան

